

REGIONAL NEWS UNIT
ALL INDIA RADIO, AGARTALA
Date: 18-10-2017
Time: 07:55-08:05 PM Hrs
BENGALI EVENING BULLETIN

Headlines :

- ১) আগামীকাল শ্যামাপূজা আলোর উৎসব দীপাবলী।
উৎসব উপলক্ষ্যে আরক্ষা দপ্তর থেকে সর্বত্র ব্যাপক
নিরাপত্তা ব্যবস্থা গ্রহণ করা হয়েছে।
- ২) রিয়েল এস্টেট রেগুলেশন এন্ড ডেভেলপমেন্ট রুলস
– ২০১৭ রাজ্য মন্ত্রিসভায় অনুমোদিত।
- ৩) উত্তর-পূর্বাঞ্চলের ক্ষেত্রে উদ্ভূত নতুন নতুন
সমাধানের লক্ষ্যে ও বর্তমান প্রয়োজনের নিরিখে উত্তর-
পূর্বাঞ্চল পরিষদ বা এন.ই.সি পুনর্বির্ন্যাস করা হবে।
- ৪) প্রধানমন্ত্রী নরেন্দ্র মোদী আধিকারিকদের প্রশাসনের
বিভিন্ন প্রক্রিয়ায় গতি আনার জন্য সংকীর্ণ মানসিকতার
উর্ধ্ব ওঠে নতুন নতুন উদ্ভাবনী পদক্ষেপকে গ্রহণ করার
নির্দেশ দিয়েছেন।

৫) কর্নেল সি কে নাইডু ট্রফি অনুর্ধ্ব ২৩ বছরের ক্রিকেটের চার দিনের খেলায় ত্রিপুরা ১৬১ রানের বড় ব্যবধানে আসামকে পরাজিত করেছে।

0000000000

দীপাবলী:

আগামীকাল শ্যামাপূজা ও আলোর উৎসব দীপাবলী। এই উপলক্ষ্যে আজ সন্ধ্যা থেকেই আলোকমালায় সেজে উঠেছে গোটা রাজ্যে। দীপাবলী উৎসব উপলক্ষ্যে আরক্ষা দপ্তর থেকে সর্বত্র ব্যাপক নিরাপত্তা ব্যবস্থা গ্রহণ করা হয়েছে। সীমান্তে বাড়তি নজরদারীর জন্য বি.এস.এফ-কে নির্দেশ দেয়া হয়েছে।

আগামীকাল থেকে দু'দিন ব্যাপী রাজ্যের ঐতিহ্যবাহী দীপাবলি উৎসব শুরু হবে মাতাবাড়িতে ত্রিপুরেশ্বরী মন্দির প্রাঙ্গণে আগামীকাল সন্ধ্যায় মাতাবাড়িতে ধন্যমানিক্য মুক্তমঞ্চে দীপাবলী উৎসবের উদ্বোধন করবেন পূর্তমন্ত্রী বাদল চৌধুরী। মন্দির প্রাঙ্গণকে আলোকমালায় সাজিয়ে তোলা হয়েছে। আজ সন্ধ্যা থেকে রাজ্যেও বহিরাঙ্গ্যের পূন্যার্থীদের ডল নেমেছে মন্দির প্রাঙ্গণে। উৎসব ও মেলায় নিরাপত্তার জন্য সি সি টি ভি, ওয়াচ

টাওয়ারের ব্যবস্থা করা হয়েছে, পাঁচ শতাধিক স্বেচ্ছা সেবক রয়েছে। তাছাড়া, পর্যাপ্ত পরিমাণে নিরাপত্তা কর্মীও মোতায়েন করা হয়েছে। জোলাইবাড়ি ব্লকের মুহুরীপুর রাজ-রাজেশ্বরী মন্দির প্রাঙ্গণেও দু'দিনব্যাপী দীপাবলী উৎসব ও মেলা শুরু হবে আগামীকাল।

দীপাবলী উপলক্ষ্যে গোটা উত্তর ত্রিপুরা জেলায় উৎসবের মেজাজ। পুলিশ সুপার মানিক দাস জানিয়েছেন, এ বছর উত্তর ত্রিপুরা জেলায় সার্বজনীন কালী পূজার সংখ্যা একশো সাতাত্তর। ধর্মনগর শহর ও শহরতলীতে আজ সন্ধ্যা থেকেই বেশ কিছু মন্ডপে দর্শনার্থীদের ভিড় রয়েছে। দীপাবলি উৎসব ও কালীপূজা উপলক্ষ্যে উত্তরজেলার সর্বত্র ব্যাপক নিরাপত্তা ব্যবস্থা গ্রহণ করেছে আরক্ষা প্রসাশন।

আগামীকাল দীপাবলী উৎসব ও কালীপূজার জন্য আগরতলার উমা-মহেশ্বরী মন্দির, ইন্দ্রনগরের কালীবাড়ি, মেহের-কালীবাড়িও ধলেশ্বরের রামকৃষ্ণ মিশনে প্রস্তুতি চূড়ান্ত।

0000000000

ভানুলাল সাহা:

রিয়েল এস্টেট রেগুলেশন এন্ড ডেভেলপমেন্ট রুলস ২০১৭ রাজ্য মন্ত্রিসভায় অনুমোদিত হল। গত বছর সংসদে রিয়েল এস্টেট রেগুলেশন এন্ড ডেভেলপমেন্ট এক্ট অনুমোদিত হয়েছিল। সব রাজ্যকেই এই আইন চালু করতে বলা হয়েছে, তাই রাজ্যেও এটি চালু করা হচ্ছে বলে জানিয়েছেন তথ্য ও সংস্কৃতি মন্ত্রী ভানুলাল সাহা।

আরো জানানো হয়, জাইকা প্রকল্পের দ্বিতীয় পর্যায় এখনো শুরু করা হয়নি। এই প্রকল্পের অধীন ৬৩৮ জন কর্মীর বেতন-ভাতা যাতে বন্ধ না হয়, তার জন্য ২০১৮-র মার্চ পর্যন্ত রাজ্য মন্ত্রিসভা সাড়ে চার কোটি টাকা বরাদ্দ রেখেছি।

00000000000

বাজি:

দীপাবলী উৎসব উপলক্ষে পরিবেশ দূষণ মুক্ত রাখার আবেদন জানিয়েছে ত্রিপুরা রাজ্য দূষণ নিয়ন্ত্রণ পর্ষদ। পর্ষদের পক্ষ থেকে এক বিবৃতিতে শব্দ বাজি ফোটানোর উপর নিষেধাজ্ঞা আরোপ করা হয়েছে।

এছাড়া হাসপাতাল, শিক্ষাকেন্দ্র এবং আদালতের ১০০মিটারের মধ্যে মাইক বাজানো ও বাজি ফোটানোর

উপর निषेधाज्ञा आरोप करा हय़ेछे। एइ सब निषेधाज्ञा अमान्य करले आइन अनुयायी ब्यवस्था नेओया हबे।

0000000000

कर्मशाला:

पश्चिम त्रिपुरार जेला स्वास्थ्य ओ परिवार कल्याण सोसाइटीर उद्योगे आज प्रज्ञाभवने आरवान हेल्थ मिशनेर उपर एकदिनेर एक कर्मशाला अनुष्ठित हय़। कर्मशालार उद्घोषण करेन आगरतला पुर निगमेर मेयर ड: प्रफुल्लजिङ्ग सिनहा। श्री सिनहा आरवान हेल्थ मिशनेर आओताधीन प्रकल्पगुलि यथा समये एवं सठिकभाबे रूपायनेर उपर गुरुत्व आरोप करेन। ए ब्यापारे आरवान स्थानीय कमिटीके स्वास्थ्य दप्परेर सङ्गे नियमित समन्वय रक्षा करे आरो सक्रिय हते परामर्श देया हय़। कर्मशालाय बक्तव्य राखेन पश्चिम जेलार सि.एम.ओ गौतम देवनाथ।

0000000000

বি জে পি:

বি জে পির এক সভা আজ চড়িলামের ব্রজপুরে অনুষ্ঠিত হয়। সভায় বক্তব্য রাখতে গিয়ে প্রাক্তন বিধায়ক সুবল ভৌমিক রাজ্যের আইন শৃঙ্খলার অবনতির অভিযোগ করেন। রেগা প্রকল্প বাস্তবায়নে ব্যপক দুর্নীতি চলছে বলে তিনি অভিযোগ করেন। সভায় বি জে পি নেতা শাহ আলম সহ স্থানীয় নেতৃবৃন্দ বক্তব্য রাখেন।

0000000000

কংগ্রেস:

কৃষকদের স্বার্থ-সংশ্লিষ্ট বিষয়ে রাজ্যব্যাপী আন্দোলন গড়ে তুলবে কংগ্রেস। আগামী পঁচিশে অক্টোবর ঊনকোটি জেলার কুমারঘাটে সড়ক অবরোধ কর্মসূচির মধ্য দিয়ে এই আন্দোলনের সূচনা হবে। আজ কৈলাসহর কংগ্রেস ভবনে আহত এক সাংবাদিক সম্মেলনে একথা জানান, পি.সি.সি সভাপতি বিধায়ক বীরজিৎ সিংহ। তিনি জানান, ২৫শে অক্টোবর কুমারঘাটের পাবিয়াছড়া জংশনে তিন ঘন্টার আসাম-আগরতলা জাতীয় সড়ক অবরোধ করা হবে।

তিনি কৃষকদের ঋণ মুকুব, তাদের পরিচয়পত্র প্রদান, ষাট বছরের বেশি বয়সী কৃষকদের ভাতা প্রদানের দাবি জানান।

আজকের সাংবাদিক সম্মেলনে পি.সি.সি'র সাধারণ সম্পাদক রুদ্রেন্দু ভট্টাচার্য্য, জেলা কংগ্রেস সভাপতি মো: বদরুজ্জামানও উপস্থিত ছিলেন।

00000000000

বিজ্ঞান সেমিনার:

কৈলাসহরের ভগিনী নিবেদিতা দ্বাদশ শ্রেণী বালিকা বিদ্যালয়ে আজ উনকোটি জেলা ভিত্তিক বিজ্ঞান সেমিনার অনুষ্ঠিত হয়। এ বছরের ভাবনা “স্বচ্ছ ভারত: বিজ্ঞান ও প্রযুক্তির ভূমিকা- প্রতিশ্রুতি ও চ্যালেঞ্জ সমূহ”। আজ সকালে এই কর্মসূচির উদ্বোধন করে গৌরনগর পঞ্চায়েত সমিতির চেয়ারপার্সন শান্তি সিংহ বিজ্ঞানকে মানুষের কল্যাণে ব্যবহার ও জনপ্রিয় করার উপর জোর দেন। অন্যান্যদের মধ্যে কৈলাশহর পুর পরিষদের চেয়ারপার্সন-ইন-কাউন্সিল আনোয়ারা বেগম, শিক্ষা দপ্তরের O.S.D সুবোধ দেববর্মা ও ভাষণ দেন। উনকোটি জেলার এগারোটি স্কুলের ছাত্র-ছাত্রীরা

প্রতিযোগিতামূলক আলোচনায় অংশ নেয়। পরে
বিজয়ীদের পুরস্কার দেওয়া হয়।

00000000000

কৈলাসহর রাস্তা অবরোধ:

কৈলাসহরের ভগবান-নগরে আজ সকালে একপথ
অবরোধ আন্দোলন সংঘটিত হয়। স্থানীয় এলাকাবাসী
একযোগে কৈলাসহর ধর্মনগর সড়কের জেলা হাসপাতাল
সংলগ্ন রাস্তায় অবরোধে বসেন।

উনকোটি জেলা হাসপাতালের পরিষেবার মান উন্নয়ন,
বিশেষজ্ঞ চিকিৎসকের ব্যবস্থা করা, হাসপাতাল পরিষ্কার
পরিচ্ছন্ন রাখা, পয়ঃপ্রণালী সুচারু রাখার দাবিতেই ছিল
এই আন্দোলন।

খবর পেয়ে মহকুমা শাসক আর.রানচল, হাসপাতালের
মেডিক্যাল সুপার সহ পদস্থ সরকারী আধিকারিকরা
অবরোধস্থলে যান। দাবি পূরণের আশ্বাসের প্রেক্ষিতে
অবরোধ তুলে নেওয়া হয়।

00000000000

উত্তর-পূর্বাঞ্চল:

উত্তর-পূর্বাঞ্চলের ক্ষেত্রে উদ্ভূত নতুন নতুন সমস্যা সমাধানের লক্ষ্যে ও বর্তমান প্রয়োজনের নিরিখে উত্তর-পূর্বাঞ্চল পরিষদ বা এন.ই.সি পুনর্বির্ন্যাস করা হবে। উত্তর-পূর্বাঞ্চল উন্নয়ন প্রতিমন্ত্রী ড: জিতেন্দ্র সিং একথা জানিয়ে বলেন, প্রয়োজনীয় সম্পদ, জ্ঞান ও দক্ষতার সঙ্গে উত্তর-পূর্বাঞ্চলের রাজ্যগুলির জন্য এন.ই.সি-কে অত্যাধুনিক কেন্দ্র হিসেবে পূর্ণগঠন করা হবে। গতকাল নতুনদিল্লিতে মন্ত্রকের বরিষ্ঠ আধিকারিকদের সঙ্গে বৈঠকে শ্রী সিং জানান, উত্তর-পূর্বাঞ্চলের উন্নয়নে বিশেষভাবে আলোকপাত করার উদ্দেশ্যে ১৯৭০ এর প্রথমদিকে এন.ই.সি গঠন করা হয়। এখন বার্ষিক বরাদ্দ অনুযায়ী যতবেশি সম্ভব উন্নয়নমূলক কাজ শুরু করার উদ্দেশ্যে পরিষদকে নতুন রূপ দেয়া হবে।

0000000000

প্রধানমন্ত্রী:

প্রধানমন্ত্রী নরেন্দ্র মোদী আধিকারিকদের প্রশাসনের বিভিন্ন প্রক্রিয়ায় গতি আনার জন্য সংকীর্ণ মানসিকতার উর্ধ্ব উঠে নতুন নতুন উদ্ভাবনী পদক্ষেপকে গ্রহণ করার

নির্দেশ দিয়েছেন। বিভিন্ন মন্ত্রক ও দপ্তরের নির্দেশক ও উপ-সচিবদের সঙ্গে কথা বলার সময় প্রধানমন্ত্রী গতকাল বলেন, কেন্দ্রীয় সরকারের কাজে সংকীর্ণ মানসিকতাই সব চাইতে বড় বাধা। প্রধানমন্ত্রী আধিকারিকদের ২০২২ সালের মধ্যে নতুন ভারত তৈরির জন্য সম্পূর্ণ নির্ণায়ক সঙ্গে কাজ করার আহ্বান জানান। শ্রী মোদী আধিকারিকদের সঙ্গে প্রশাসন, ব্রষ্টাচার স্বাস্থ্য, শিক্ষা, স্বচ্ছভারত, সংস্কৃতি, যোগাযোগ ও পর্যটন বিষয়ে এ মাসেই পৃথক পৃথক বৈঠক করেন।

00000000000

ভারত-জাপান:

ভারত-জাপানে চাকুরী ও প্রশিক্ষণের জন্যে ভারতের যুবকদের কারিগরী প্রশিক্ষণার্থী হিসেবে পাঠাবার বিষয়ে, একটি চুক্তি স্বাক্ষর করেছে। কেন্দ্রীয় দক্ষতা উন্নয়নমন্ত্রী ধর্মেন্দ্র প্রধান ও জাপানের স্বাস্থ্য, শ্রম ও কল্যাণমন্ত্রী কাতসুনবু কাতোর মধ্যে গতকাল টোকিওতে এই চুক্তি স্বাক্ষরিত হয়। এই যুবকরা তিন থেকে পাঁচ বছরের জন্য প্রশিক্ষণ নিতে যাবেন।

00000000000

প্রতিরক্ষা মন্ত্রী:

প্রতিরক্ষা মন্ত্রী নির্মলা সীতারামন আজ দু'দিনের আন্দামান-নিকোবর দ্বীপপুঞ্জ সফরে পোর্টব্লেয়ার গিয়ে পৌঁছেছেন। সেখানে থাকাকালীন তিনি সৈনিকদের সাথে দেওয়ালী পালন করবেন এবং তাদের পরিবার-পরিজনদের সঙ্গে বিভিন্ন বিষয়ে কথা বলবেন। এছাড়া, শ্রীমতি সীতারামন সেলুলার জেল যাবেন এবং কার নিকোবরের সুনামী সৌধে পুষ্পার্ঘ্য অর্পণ করবেন।

00000000000

জম্মু ও কাশ্মীর:

জম্মু ও কাশ্মীরের পুঞ্চ ও রাজৌরি জেলার আজ পাক বাহিনীর গোলাবর্ষণে ১০জন আহত হয়েছেন। জম্মুতে প্রতিরক্ষাসূত্রে জানানো হয়েছে, আজ সকাল সাতটা নাগাদ পাকবাহিনী বিনা প্ররোচনায় বালাকোট সেক্টরের সীমান্ত লাগোয়া ভারতীয় ঘাঁটি ও জনবসতি লক্ষ্য করে গোলাবর্ষণ শুরু করে। পরে রাজৌরি জেলার মাঞ্জাকোট ক্ষেত্র সংলগ্ন এলাকাতেও গোলাবর্ষণ করে। সীমান্তের ভারতীয় জওয়ানরাও উপযুক্ত জবাব দেয়। এই ঘটনায়

দুটি শিশু সহ মোট ১০ জন আহত হয়েছে, যানবাহন,
বাড়িঘরেরও ক্ষতি হয়েছে।

00000000000

কেন্দ্রের নির্দেশ:

উৎসবের দিনগুলিতে শান্তি বিনষ্টকারী ও সাম্প্রদায়িক
সমস্যা সৃষ্টিকারী ব্যক্তি বা সংগঠনের উপর নজর
রাখতে কেন্দ্র রাজ্যগুলিকে নির্দেশ দিয়েছে। গৃহমন্ত্রণালয়
রাজ্যগুলিকে অপ্রীতিকর ঘটনা এড়াতে জনবহুল এলাকা
ও ধর্মীয় প্রতিষ্ঠানের সামনে অতিরিক্ত বাহিনী মোতায়েন
করতে বলেছে।

00000000000

সি কে নাইডু ট্রফি:

কর্নেল সি কে নাইডু ট্রফি অনুর্ধ্ব ২৩ বছরের ক্রিকেটের
চার দিনের খেলায় ত্রিপুরা ১৬১ রানের বড় ব্যবধানে
আসামকে পরাজিত করেছে। জয়ের জন্য ২৭৩ রানের
লক্ষ্যে নেমে গোয়ালপাড়ার ডি এন সিং স্টেডিয়ামে
শেষদিনে আজ স্বাগতিক আসাম ১ উইকেটে ৫০ রান

থেকে দ্বিতীয় ইনিংসে খেলতে নেমে ১১১ রানে সবাই আউট হয়ে যায়। দলের পক্ষে রাজ্জাকউদ্দিন আহমেদ সর্বাধিক ৩৬ রান করে। রাজ্যদলের পক্ষে তাপস মন্ডল ২২ রানে একাই ৮টি উইকেট তুলে নিয়ে দলের জয় নিশ্চিত করে। এম্যাচে রাজ্যদল দুই ইনিংসে ৩০৩ ও ১০৪ এবং আসাম প্রথম ইনিংসে ১৩৫ রান করেছিল। জয় ছিনিয়ে রাজ্যদল এম্যাচ থেকে ৬ পয়েন্ট পেলো।

0000000000

ভিনু মানকর ট্রফি:

ভিনু মানকর ট্রফি অনুর্ধ্ব ১৯ বছরের পূর্বাঞ্চলের ক্রিকেটের শেষ খেলায় ত্রিপুরা পরাজিত হয়েছে। ধানবাদের টাটা স্টেডিয়ামে অনুষ্ঠিত খেলায় স্বাগতিক ঝারখন্ড ১০ উইকেটের বড় ব্যবধানে রাজ্যদলকে হারিয়ে দেয়। টসে জয়লাভ করে রাজ্যদল প্রথমে ব্যাট করার সিদ্ধান্ত নেয় এবং ৩৬ ওভারে ১২১ রানে সবাই আউট হয়ে যায়। দলের পক্ষে বিক্রম দাস ৩৪, শংকর পাল ও চন্দন রায় দুজনেই ২৩ রান করে। ঝাড়খন্ডের অনুকুল রায় ৯ রানে ৪টি উইকেট পায়। জবাবে খেলতে নেমে স্বাগতিক ঝারখন্ড ২৫ ওভারে ২ বল-এ কোন

উইকেট না হাৰিয়ে জয়ের জন্য প্ৰয়োজনীয় রান সংগ্ৰহ
কৰে নেয়। পাঁচ ম্যাচে তিনিটি জয় ছিনিয়ে ৰাজ্যদল ১২
পয়েন্ট নিয়ে আসৰে তৃতীয় স্থান দখল কৰে।

0000000000

ৰাখাল শিল্ড:

ৰাখাল স্মৃতি শিল্ড নক আউট ফুটবলৰ আসৰে এগিয়ে
চলো সংঘ সেমি ফাইন্যালে উঠেছে। উমাকান্ত মিনি
স্টেডিয়ামে আজ আসৰেৰ তৃতীয় কোয়ার্টাৰ ফাইন্যালে
এগিয়ে চলো সংঘ ৫-০ গোলেৰ বড় ব্যবধানে নাইন
বুলেটস ক্লাবকে পৰাজিত কৰে। বিজয়ী দলেৰ পক্ষে
দেবৰাজ জমাতিয়া দুটি এবং প্ৰীতম হোসেন, সাগৰ দাস
ও এঞ্জেল জমাতিয়া একটি কৰে গোল কৰে।

0000000000

মহিলা ফুটবল:

মহিলাদেৰ ঘৰোয়া লিগ ফুটবল প্ৰতিযোগিতাৰ আজকেৰ
খেলায় ত্ৰিপুৰা পুলিছ জয়লাভ কৰেছে। বাধাৰঘাটেৰ
দশৰথ দেব স্টেডিয়ামে অনুষ্ঠিত খেলায় ত্ৰিপুৰা পুলিছ

১-০ গোলে জম্পুইজলা প্লে সেন্টারকে পরাজিত করে।
বিজয়ী দলের পক্ষে ফুদুলু দেববর্মা জয়সূচক গোলটি
করে।

0000000000

ফিফা ফুটবল:

ফিফা অনূর্ধ্ব ১৭ বিশ্বকাপ ফুটবলের আসরে ঘানা
কোয়ার্টার ফাইন্যালে উঠেছে। নবী মুশ্বাই-এর ডি ওয়াই
পাতিল স্টেডিয়ামে আসরের প্রি-কোয়ার্টার ফাইন্যালে
আজ ঘানা ২-০ গোলে নাইজের'কে হারিয়ে দেয়।
আগামী ২১অক্টোবর কোয়ার্টার ফাইন্যালে ঘানা
গুয়াহাটিতে মালি'র বিরুদ্ধে খেলবে। এদিকে আজ রাতে
কোচিতে ব্রাজিল ও হন্ডুরাসের মধ্যে প্রি-কোয়ার্টার
ফাইন্যালের শেষ খেলাটি হবে।

0000000000

আবহাওয়া:

আগামীকাল আকাশ আংশিক মেঘাচ্ছন্ন থাকবে। কিছু
কিছু স্থানে বজ্রবিদ্যুৎ সহ বৃষ্টিপাতের সম্ভাবনা রয়েছে।

তাপমাত্রা সর্বোচ্চ ৩৩ ডিগ্রী এবং সর্বনিম্ন ২৫ ডিগ্রী
সেলসিয়াসের কাছাকাছি থাকবে। আগামী ২০শে অক্টোবর
রাজ্যের সব জেলার দুয়েকটি স্থানে ভারী বর্ষণের
সতর্কতা জারি করেছে আবহাওয়া অফিস।

0000000000

0000000000